

(3) *Corruptio hominum est universalis atque imperve-* A
stigabilis: Jer. XVII, 9.

(4) *Mendacium tractatur* præc. VIII.

USUS E VERSU XII.

(1) *Animi verè grati est, disquirere de modò servi-*
endi placendique Deo. Soliciundo hæc laudabilissima, con-
fer Pf. CXLIII, 10. Mich. VI, 6.

[2] *Beneficia Dei super nos sunt innumera: vid.*
tres symb. apost. artic.

(3) *Omnia conferuntur gratis; nil rependi potest*
ullò modò: Rom. XI, 6. 35.

USUS E VERSU XIII.

(1) *Pii cuncta sua accipiunt ex manu Dei sui, tan-*
quam poculum à patrefamiliàs dispensatum domesticis
pro lubitu.

[2] *Salutare est, quicquid ex manu descendit tanti*
Patris. Adeoque etiam Calix tribulationis calix salutis
multiplicis salutatur meritò: Rom. VIII, 28. v. 3.

(3) *Nomen Dei & invocandum, & celebrandum:*
vide v. 4.

USUS E VERSU XIV.

[1] *De Votis, eorumque exsolutione debitâ in LL. &*
præc. II. Huc votum baptismale; item emendationis in
Confessione ante Eucharistiam pollicitatio.

(2) *Nunquam pudere nos debet pietatis aut nominis*
Christi: coram totò populò laus tribuenda Dominò:
Luc. IX, 26.

USUS E VERSU XV.

[1] *Mors in genere stipendium peccati*: Rom. VI, 23.

(2) *Mors Sanctorum est transitus ad gaudia celo-*
rum: Luc. II, 29. Phil. I, 23.

[3] *Cum itaque pretiosa hæc sit in oculis Domini,*
non metuendum ab eadem; neque tamen temerè accer-
senda illa per audaciam, aliave media, sed committenda
divina voluntati penitus. Imò ad eandem nos merito
componimus maturè.

(4) *Tyranni, Sanctis mortem inferentes, hautqua-*
quam id impune ferent: Pf. LXXIX, 3.

(5) *Mors coram mundo probrosa, coram Deo gloriosa.*

USUS E VERSU XVI.

(1) *De Servorum Dei & dignitate, & debitò, & va-*
rietate, dictum Pf. CXIII, 1. &c.

(2) *Exsoluti malorum vinculis gloriam tribuamus*
Deo, tantòque cautius caveamus nobis à nobis.

USUS E VERSU XVII.

(1) *Sacrificia laudis pro ratione N. T. offerenda sunt*
spiritu: Ebr. IX, 51. conf. Psal. L, 14. 23. LXIX, 31. &c.

(2) *De invocatione nominis div. dictum modo v. 13.*

USUS E VERSU XVIII.

De votorum exsolutione repetatur v. 14.

USUS E VERSU XIX.

Atriorum Domus Domini, h. e. conventuum sacro-
rum, diligens haberi debet ratio, ne negligantur temerè
cum Thoma: Job. XX, 24. vide Ebr. X, 25.

PSALMI CXVII. DISPOSITIO.

Laudate gentes Dominum, Æterna veritas.

IN hac ad Laudes Dei exhortatione spe-
ctandus (1) actus: *laudate, commendate*:
(2) objectum; *Jehova*: (3) subjectum lau-

dans: *omnes gentes nationesque*: v. 1. (4) ra-
tio: (a) *gratia ejus super nos invaluit*: (b) *ve-*
ritas ejus æterna: v. 2.

PSALMUS CXVII.

EXPLICATIO VERSUS I.

הללו *laudate*:) i. e. verbis congruis palam
exponite, quanta sit DEI nostri majestas, cle-
mentia, veritas, &c. ita ut fateamini, prout qui-
dem par est, ipsum solum esse verum Deum, cæ-
tera verò gentium numina cuncta fictitia, ac
proinde vituperiò potius, quàm laude digna,
vide *Psalm. CXIII, 1.* Brevissimum huncce inter
cunctos cæteros Psalmos, Messix temporibus
competere, notavit *Kimchi*: proindeque duobus
constare versibus, eò quod omnes populi in du-
os solummodo cætus (עבריים) sint coituri, quo-
rum unus Israelis, Legi in hærentis, alter genti-
um, septem præceptis (Noachicis) dantium o-
peram, qui tamen omnes *Laudabunt Deum.* Quor-
um etiam citat *Zeph. III, 9.* vertet Dominus
ad populos labium electum &c. Nos, si omni-
no in dualitate versuum mystici quid quæren-
dum, recurrere possemus ad illud *Ephef. II, 14.*
Christum, qui est pax nostra, *ex duobus fecisse u-*
num; &c.

כל גוים *omnes gentes*:) compellantur eti-
am ii, qui hætenus veri Jehovæ notitiã nondum
fuerant imbuti; siquidem ex intentione DEI,
imò ex debitò etiam propriò, incumbere sin-

gulis negotium hoc sanctum, utut tempore de-
mum Novi Testamenti satisfactum fuerit præ-
senti commonefactioni, cum gentes Messix fie-
rent hæreditas, *Psalm. II, 8. XXII, 28. LXXII, 11. Jes.*
XI, 10. XLII, 6. XLIX, 6. LII, 15. LX, 3. Hinc va-
ticio huic satisfactum suò tempore ait Paulus
Rom. XV, 11.

שבחוהו *celebrate eum*:) mutatis verbis ea-
dem repetitur sententia, per *επιμονην*, in poësi sa-
crâ frequentatissimam. vide de hoc verbò *שבח*
Cob. VIII, 15. & Psalm. LXXXIX, 10.

האומים *nationes*:) universalitatem gratiæ di-
vinæ quomodo hinc probare liceat contra Calvi-
num, docet B. Wellerus t. 1. *Anti Mass. pag. 982. seqq.*
Aben Esra nationes has exponit de populò Israë-
licitò, sicuti גוים de gentibus à Davide subjugatis.
Verum utrobique vocabulum est universale,
quod de quibusvis quorumvis locorum incolis
ac nationibus meritò acceptamus.

EXPLICATIO VERSUS II.

גבר *invaluit, vel valida est*:) i. e. gravibus
crebrisque documentis se hætenus propitium
nobis contestatus est Deus, adeò ut nos nullius
planè æstimii roborisve fuerimus in relatione
ad